

scessus (387. 402.), Fistulas (413.), Empyemata (894.) Scirrhus (392. 484. 485. 486.), Cancros (492. 494.), Caries (526.).

1054. Ex his in morbis (1051. 1052. 1053.) simplicibus, aut omni modo compositis inter se, infiniti sane alii, ut effectus, sequi possunt; adeoque ex eorum dato intellectu hactenus optime perspicui, & curari.

1055. Quum vero inde pendeant, ut patebit, omnes Chronici; horum ergo generalis doctrina, divisioque hinc haurienda.

1056. Unde etiam statim apparet, hos varietate quidem infinitos ratione symptomatum, tamen ex origine non adeo composita pendere, neque tam varia medicamenta, medendive methodum requirere; tum simul perspicitur diuturnitatis in plerisque, incurabilitatis vero in multis, ratio; id ipsum pertractando jam patebit.

P A R A L Y S I S.

1057. Paralysis vocatur muscoli laxa immobilitas, nullo nixu voluntatis, vel vitae, superanda; sensus aliquando simul absolute perit; aliquando levis cum stupore, sensuque quasi punctorio levi, superest.

1058.

1058. *Causa hujus proxima semper impeditus fluor liquidi nervosi a cerebro in musculum paralyticum, vel liquidi arteriosi in eundem.*

1059. *Ergo oriri potest 1. ab omni causa apoplexiam generante (1010.) 2. ab omni ea, quae nervum transmittendo spiritui ineptum reddit. 3. Quae introitum arteriosus cruoris in musculum impedit. Inde paraplegiae, hemiplegiae, paralytios partis singularis, natura intelligitur.*

1060. *Itaque apoplexia; levior parapoplexia (1009. 1010. 1015.); epilepsia; convulsio; dolor ingens & diuturnus; omnes solitae evacuationes retentae cum subsequente vertigine, ut haemorrhoidum, menstruorum, abscessuum, fistularum, alvi, vesicae, salivae; metaptofes cujuscunque materiae morbosae in acutis, vel chronicis; quidquid obstruendo, solvendo, comprimendo, ligando, distorquendo distrahendo, constringendo, nervos laedit; adeoque crassi humores, vulnera, erosiones, abscessus, gangraenae, tumores inflammatorii in integumentis nervosae medullae, in gangliis, in nervis ipsis, serosi, purulenti, ichorosi, scirrhusi, & similes, fortes arctaeque ligaturae, fracturae, luxationes, adstringentia valde alimenta, medicamenta, venena; inde frigus summum, calor maximus,*

R 3

mus,

mus, humiditas frigida, usus aquae calidae nimius, affiduus, vapor arsenici, antimonii, calcis recentis, mercurii, & aliorum venenorum, Paralyfin creare possunt.

1061. *Causa proxima* (1058.), & *remota* (1059. 1060.) adeoque his nata paralyfis ipsa, varios admodum producit effectus, pro varietate sedis, ubi illa causa haeret; pro varietate magnitudinis, qua ibi haeret; pro diversitate partis affectae, prout vitae necessaria magis minusve, magis mediate, vel immediate; inde enim lethalis, minus lethalis, sanabilis, incurabilisve haberi potest.

1062. Paralyfis Cordis, pulmonum, musculorum respirationi inservientium; gulaeque, brevi lethalis: stomachi, intestinorum, & vesicae, a causis internis, valde periculosa: musculorum faciei mala, & facile in apoplexiam mutabilis. Paraplegia valde periculosa, apoplexiae praenuncia, haec nata lethalis: hemiplegia mala, paraplegiae affinis, hinc apoplexia necans; quae cum frigore, insensilitate, atrophia partis, mala, raroque medicabilis: quae cum saeva convulsione, & magno calore partis oppositae, mala; ex horum vero oppositis scitur, quatenam sanabilis, minusque metuenda sit: quatenam vero toties cau-
sa

sa repentinae, nec ullo praefagio praevifae, mortis, sine ullo fere symptomate concomitante.

1063. Quae omnia (1057. ad 1063.) si quis singulis musculis, cujuscunque demum functionis auctoribus, applicat, infinitorum certe, & maxime mirabilium morborum causas intelliget, diagnofin, prognofinque fciet.

1064. sanavit Natura hunc morbum attenuando & diffipando materiem morbofam, mala crisi ad cerebri exteriora, ejus ventriculos circa medullam oblongatam, fpinalem, exitum nervorum a medulla, nervos, depositam; folvendo impacta per magnam febrim fupervenientem; movendo per tremorem convulfivum partis; educendo per diarrhoeam largam & diuturnam.

1065. Curatio requirit ablationem caufae (1059. 1060.), nervorum functionem & arteriarum impediens, dein liberi fluxus refitutionem

1066. Causa impediens aufertur variis modis, caufae, prius pefpectae, facile applicandis.

1067. Si illa caufa intus haerens, crassa, ftagnansque est, utendum iis remediis, quae producere poffint illa, quibus Natura (1064.) hunc morbum faepe fanavit.

R 4

1068.

1068. Ergo curatio tentatur 1. attenuantibus, dissipantibusque *α*. Aromaticis, cephalicis, nervinis, uterinis dictis vegetabilibus, specie succi expressi, infusi, decocti, extracti, spiritus, conditi. *β* Salibus fixis ustione, volatilibus destillatione aut putrefactione hinc electis. *γ*. Oleis expressione, coctione, infusione, destillatione hinc productis. *δ*. Saponaceis ex horum combinatione per artem productis. *ε*. Virosis animalium partibus, insectorum succis, spiritibus, oleis, salibus, tincturis. *ζ*. Salibus fossilibus, crystallis metallicis, & iis, quae ex his maxime composita. *η*. His omnibus, ut se mutuo juvent, cum prudentia, permittis: atque horum quidem usu attenuatio, dissipatio, calor febrilis, obtinetur. 2. Validis stimulantibus, & impacta quaecunque fortiter, motu nervoso tremente & convulsivo excitato, excutientibus: eo inprimis sternutatoria, & vomitoria fortia pertinent; si aliquoties inprimis repetuntur. 3. Purgantibus per alvum calidis, solventibus, aromaticis, vegetabilibus, vel & fossilibus acribus, metallicisque mercurialibus, antimoniatibus, adeoque fortibus hydragogis, larga dosi, pluribus diebus successive repetita, datis; quorum ope copiosa, & aliquamdiu perdurans diarrhoea, excitetur.

4. im-

4. implendo primo vasa corporis largo potu attenuantium praemissorum, dein excitatione majoris motus, & sudoris, ope vaporis spirituum accensorum.

1069. Frictiones externae siccae, calidae ad ruborem usque, vel cum spiritibus penetranti & stimulante virtute praeditis ex animalibus, vegetabilibusque, aut cum oleis, linimentis, balsamis, unguentis, nervinis, profunt. Balnea vaporum, immersiva; Emplastra acra, aromatica, attrahentia dicta; Cucurbitae; scarificationes; vesicatoria; fustigationes; dolorem & levem inflammationem excitantia, ut urticae, & similia, juvant.

1070. Maxime autem curandum, ut ad sedem causae detectam omnia remedia (1068. 1069.), si possibile, applicentur: pars laesa, plures simul eodem vitio laesae, scientia muscutorum, nervorum, horum unitio, origo, dispersus, & cognitio functionum ab unoquoque horum pendentium, si comparantur inter se, clare docent sedem latentem mali.

R s

EPI.